

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 39. Zakona o socijalnoj zaštiti, zaštiti civilnih žrtava, žrtava rata i zaštiti porodica sa djecom Tuzlanskog kantona („Službene novine Tuzlanskog kantona“, broj: 5/12, 7/14, 11,15, i 13/16), člana 4. stav 3. Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona („Službene novine Tuzlanskog kantona“ broj: 1/10, 9/12, 4/14, 16/14, 7/15, 17/15 i 5/16) i člana 17. Statuta općine Doboj Istok („Službene novine općine Doboj Istok“ broj 05/08), Općinsko vijeće Doboj Istok na 29. redovnoj sjednici održanoj dana 30.09.2019. godine donosi

ODLUKU

o uslovima i postupku za ostvarivanje prava na obavezno zdravstveno osiguranje lica u statusu socijalne potrebe na području općine Doboj Istok

Član 1.

ovom Odlukom utvrđuju se ko su korisnici, uslovi, procedure i nadležnost za rješavanje po zahtjevu za ostvarivanje prava na obavezno zdravstveno osiguranje lica u statusu socijalne potrebe, kao i način obezbjeđenja uplate sredstava koja se osiguravaju za te namjene.

Član 2.

Korisnici prava na obavezno zdravstveno osiguranje su lica u statusu socijalne potrebe koja pravo na obavezno zdravstveno osiguranje ne mogu ostvariti po nekom drugom osnovu, a imaju prebivalište na području općine Doboj Istok (u daljem tekstu Korisnik).

Član 3.

Postupak za ostvarivanje prava na obavezno zdravstveno osiguranje pokreće se zahtjevom korisnika koji uz isti prilaže sljedeću dokumentaciju:

- kopija lične karte,*
- kopija CIPS-a,*
- uvjerenje iz Porezne uprave da korisnik nije zaposlen niti je zdravstveno osiguran i da nema duga po osnovu zdravstvenog osiguranja.*

Član 4.

Zahtjev sa propisanom dokumentacijom se podnosi JU Centar za socijalni rad Doboj Istok koja provodi postupak i rješava u prvom stepenu.

Protiv prvostepenog rješenja JU Centar za socijalni rad Doboj Istok nezadovoljni korisnik može izjaviti žalbu Općinskoj službi za društvene djelatnosti, branilačko - invalidsku zaštitu i opću upravu u roku od petnaest dana od dana prijema rješenja.

Član 5.

Pravo na obavezno zdravstveno osiguranje utvrđeno po osnovu ove Odluke se ostvaruje u toku jedne kalendarske godine i traje od dana priznavanja, a najduže do 31.12. tekuće godine.

JU Centar za socijalni rad će kontinuirano pratiti promjene stanja i uslova na osnovu kojih je utvrđeno pravo. Ukoliko utvrdi da su kod lica kome je priznato pravo po osnovu ove Odluke nastupile promjene, tako da lice više ne ispunjava uslove za korištenje utvrđenog prava, po službenoj dužnosti će ukinuti rješenje za osobe koje više ne ispunjavaju uslove iz člana 2. ove Odluke.

Prijavu, odjavu, obračun i uplatu sredstava za zdravstveno osiguranje lica vršit će JU Centar za socijalni rad Doboj Istok.

Član 6.

Sredstva potrebna za realizaciju Odluke će se obezbijevivati u Budžetu općine Doboj Istok.

Način transferisanja sredstava iz stava 1. ovog člana će se utvrditi sporazumno između Općinskog načelnika općine Doboj Istok i direktora JU Centar za socijalni rad Doboj Istok.

Član 7.

Ova Odluka stupa na snagu osmog dana od dana objavljivanja u „Službenim novinama općine Doboj Istok“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK
OPĆINSKO VIJEĆE

Broj: 02-05-1078/19
Datum, 30.09.2019. godine



PREDSJEDAVAJUĆI
OPĆINSKOG VIJEĆA
dr. Ferid Konjić